

## Universitätsbibliothek Paderborn

**Vita P. Camilli De Lellis Fvndatoris Religionis Clericorvm  
Regvlarivm Infirmis Ministrantivm**

**Cicatelli, Sanzio**

**Antverpiæ**

Cap. VIII. Primæ Camilli cogitationes de institutione nouæ Congregationis.

**urn:nbn:de:hbz:466:1-37267**

tantum ab eius ore accepimus, sed etiam ipsi semel atque iterum, dato illi nostro habitu ( quem dicta de causa deponere debuit ) experti sumus. In cuius fidem hæc scripsi, & manu mea subscripti. Actum vigesima sexta Nouembris, anno M. D. LXXX. Romæ in Conuentu nostro.

His tamen non contentus Camillus, cum in mentem ipsi venisset, votum suum non speciatim fuisse ut Capuccinus fieret, sed potius ex Ordine Fratrum de Observantia, iterum uno post anno habitum in Conuentu Aræ-cæli assumere laborauit. Verum ab illa quoque Religione eadem de causa est exclusus, accepto similiter altero eius rei testimonio à P. Fratre Daniele Soleduna Procuratore Generali, dato Romæ decima nona Decembri, anno M. D. LXXXI.

Quibus repulsis, extinctum tandem penitus in eo fuit ingrediendi Ordinis S. Francisci tam ardens hactenus desiderium.

### C A P V T . V I I I .

*Primæ Camilli cogitationes de institutione nouæ Congregationis.*

Im erat Camillus in suo Præfecti domus officio quietus, & ab omni deinceps voti scrupulo prorsus liber. Quare ista pace ani-

C mi,

VIII  
174

34 VITÆ P. CAMILLI DE LELLIS  
mi, & tranquillitate conscientiæ in bonum  
vſus, illò perpetim cogitationes suas direxit,  
vt præ ceteris virtutibus ad charitatis pertin-  
gere posset fastigium. Verùm quantumuis in  
dicto Nosocomio operam nataret, vt eam  
dem sibi seruientibus virtutem commenda-  
ret, atque propensos in pauperum suorum  
curam redderet; videbat tamen, etiam mu-  
tatis propè quotidie ministris (cùm ipſi non  
ex animo, sed ex mercedis potiùs aspectu  
rem gererent) eos officio suo quām sapissi-  
mè deesse. Sed nihil ex omnibus maiorem ei  
creabat dolorem, quām permagna eorum  
in cibis præparandis & sternendis lectis socor-  
dia: & quòd ab infirmis vocati non continuò  
in auxilium accurrerent; sed effent ad hanc  
atque ad alia obsequia seigniores. Neq; item  
mediocriter eūm angebat, quòd moribun-  
dos in vltimo vitæ certamine à Sacerdotibus  
derelictos, eoquē adiutorio destitutos vide-  
ret, quod extremis in angustijs solet ab ijs  
expectari. Vnde, vt tantis malis aliquatenus  
mederetur, sapius somnum oculis suis subri-  
piens, noctes integras apud eosdem mori-  
bundos excubabat, aut certè medio inter-  
lectos spatio se abdebat, obseruabatque, num  
custodes dormirent, aut si vocati actutum ac-  
currerent. Quòd si quem in huiusmodi offi-  
cio delinquere, aut partes suas deserere depre-  
henderet,

henderet, derepente medio in Nosocomio comparens acriter reprehendebat: deinde pro culpæ admissæ ratione, vel domo diimittebat, vel alio poenitentiæ genere emendabat. Cum autem cerneret se tanta cura & sollicitudine id assequi non posse, quod intenderet, & quibuslibet remedij maiora esse mala & damna, ægro animo conspiceret, haud desistebat tantas infirmorum miseras atque necessitates Domino Deo exponere. Igitur quodam vespere, cum in medio staret Nosocomio meditabundus, & ea, quæ pauperes per ministrorum negligentiam paterentur, animo suo volueret, ecce subit in mentem cogitatio, tantis incommodis nullum melius remedium afferri posse, quam si Congregatio vna institueretur virorum piorum, proborumque, qui ad supplendos omnes seruorum mercenariorum defectus, pro instituto suo haberent, opitulari & ministrare infirmis pauperibus; non mercede, sed voluntate, & Dei amore, cum ea charitate & benevolentia, qua solent matres filijs suis ægrotantibus succurrere. In qua etiam mentis illustratione illud pariter succurrit, non abs re fore, ut pi jsti viri, quo magis vulgo tales agnoscerentur, in vestibus suis signum Crucis gestarent. Ad se deinde reuersus ab illa consideratione, seu potius diuina inspiratione,

C 2            quam-

VII

174

36 VITÆ P. CAMILLI DE LELLIS  
quamuis se pauperem, idiotam, sacerdotalem,  
sine subsidio & fauore humano esse agnosce-  
ret, proposuit tamen omni modo, cum diui-  
na gratia, hoc opus aggredi, & totis viribus ad  
exequendum se impendere. Obuēnit autem  
huius moliminis prima cogitatio illi nostro  
Patri, anno M. D. LXXXII. ( qui fuit Ponti-  
ficatus Gregorij XIII. decimus) mense Au-  
gusto, circa festivitatem sanctissimæ Assum-  
ptionis Mariæ semper virginis : in qua prima  
cogitatione ( quæ fuit instar cuiusdam deli-  
neationis, ex qua postmodum diuina maie-  
stas formam eduxit nostræ Religionis ) nihil  
ipse aliud animo intenderat, quam simpli-  
cem sacerdotalium Congregationem, ad opitu-  
landum dumtaxat S. Iacobi Nosocomio,  
alijsque vrbis Romæ similibus locis.

### C A P V T I X.

*De primis Camilli socijs: & de prima per-  
secutione, qua diabolus Congregationem  
dissoluere conatus est.*

**V**erè dici potest Camillus ex hoc tem-  
pore non dedisse ( ut Propheta loqui-  
tur) *oculis somnum, & palpebris suis dormi-  
tionem:* sed semper animo ad opus destina-  
tum excubasse, maiorem in modum à Do-  
mino